

مشرق و مغرب

محل مطبعه و اداره :

جفال اوغلنده امنيت
صندوغى جوارنده
شنگول يقوشنده
۲۲ نومرو

اخطار :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دینه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و شیوه اسلامیه بحث ابر و هفته ده بر نشر اولنور .

آبونه بدلی

صاحب و مؤسسلری :

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۱۳۴

۲۸ ربیع الاول پنجشنبه ۱۷ مارت ۳۲۶

آلتنجی جلد

جنایت تحریر:

مطالعه مراقبسی اولمقله برابر آثار منتشره دهکی سربستی تحریره قارشى بنم کبی بدین بولونان بر رفیقم ، کچن اقسام :
— بدین اولمایلمده بو هذیانامه بی ده خوش کورده ؟ دیهرك بر رساله اوزاندی
— نه در ؟ دیه صوردم .

— او قوده مؤلفنك نه هرزه لر به دیکنی آکلا ! جوانی ویردی و بر اقدی کیتدی قانك اوزرنده « هر صنف کنجلره ، مخدراته ، ابویه ، کتاب مراقبیرینه توصیه اولنور » عبارسی کورولان بو کیرلی قاپلی کتابی آچدم . باقدم که (افاده مرام) سرلوحه سی آلتده محرر بك ، مقصد تحریرینی آکلاتیور و « مملکتیزک تشکیلات اجتماعیه و مدنیه منجه موجود نقائصدن بریده وسائط ازدواجیه مزك محدودیتیدر . تکثیر نفوس و سلامت ملی نقطه نظرندن جائز اهمیت اولان بو نقصانك مهمالمنک تلافیسنه خدمت مقصدیه ازدواج مکتوبلری نامیه بر چوق نمونه لرك نشرینه جسارت ایلدم بو نمونه لره تطبیقاً مکتوبلر تحریر و استعمال ایلهرک نائل مرام و سعادت اولان ولو برقاج وطنسداش بولنورسه کتابك نشرندن اومدیغم فائده اجتماعیه حصولبرلمش اوله جقدر « دیسور . نقائص اجتماعیه و مدنیه مزى اگاه عزم ایدن بو غیور محررک نمونه وساطتتی کورمك امیدیه صحیفه لری چورمه یه باشلادم . (بر کنجك مسیره ده بکندیکی برخانه تکلیف ازدواج مکتوبی) دییه باشلایان و (خانه سنه کلوب کریمه سنه کورونمك ایچون بر پدردن مساعده طلبنه ، رضالرینی اعطادن امتناع ایلدکری تقدیرده رخصت قانونی استحصال قلنه جغنی ابویه اخباره دائر) مکتوب نمونه لرینی حاوی اولان ، حتی (اناک صنایع مکتب عالیسی مدیریته) ناصل مکتوب یازیلاجغنی اوکره تن ، حتی و حتی بر لیلۀ زفافی اولانجه عربانغیه تصویره چالیشان او کراهنامه دن محررینك ناصیل بر یادکار اولدیغنی آکلادم .

یاقین زمانلرده ادب و ناموسك برر معنای موهومدن عبارت اولدیغنه و بو کلمه لرك عادتاً برر لفظ مبهمدن عبارت بولندیغنه دائر مطالعه درمیان ایدنلر ، بویه بر جوهر معنوی موجود اولسه بیه اویله عالی بر شیک مواضع سفلیه ایله مقارنت و مناسبتی اولامایه جغنی حقنده فلسفه ! یوروتنلر کورولوب ایشیدیلیمیه باشلادی .

محقق بر فاحشه هزار شوهرک حرامزاده بی پدری بولونان بر طاقم صویسر ، ادبیز حریفلر ، اصلا یه تیشه میه جکلری ذروه ناموسی بیقمنق و کندی سویه سفلیترینه اینا یرمک ایچین اساس تربیه بی درت ال ایله بالاطالامقدن ، منای متین اخلاقه فصاحت رخنه لری آچقدن کری طورمایورلر . بوناموس حیدودلرینه ، بو اخلاق جاناوارلرینه قارشو خطاب و عتابه تنزل ، تربیه لی بر قلم ایچین حقیقه ذل ایهده ، یوزلرینه حسبه لله توکومرک قیلندن دیه جکم که : انسانلر ، بالطبع حر اولمقله برابر بر طاقم قیود ضروریه نك

اسیر آزاد ناپذیریدر . یابانجیسی قالدقلمی ناموس و اخلاق رابطه لری او قیودك ائ قویلرندندرکه ازاله سنه دکل ، توهینه تشبث ایدنلر انظار حریتپرورانه ائ مفسد بر مرتجع تلقی اولنور . تقوه ایدیلن هرزه لره تطبیقاً مکتوبلر تحریر و استعمالیه نائل مرام اولانلر بولنورسه اومدقلمی فائده حصول بولاجقمش . بیلیمزکه اومولان فائده ، عجباجاب عصمتك هتکی ، یوقسه اخلاق ملتك فتکی ایلای حصولپذیر اولاجق ؟

بووادیده یازیلان شناختنامه لر ناصیل بر یوزله کنجلره و مخدراته توصیه یه جرأت اولنه بیلیر ؟ انسانك صورتکه بردفعه لق اولسون استیجیا کولکسی دوشمه یورمی ؟ او قاره سطرلر نظر عفتلرینه آتیلان مخدرات اراسنده والده و همشیره لری اولسون بولوناجغنی خاطره کتیرمزلمی ؟
یوقسه اولنلرکده اوقوماسی و موجبنه تطبیقانه قالدقلماسی خوشمی کورولیور ؟

عادی عمو مخانه لرك مبتذل سرمایه لرینك بیه آغزینه آلامایه جغنی بر طاقم فضایحی قارالامقدن چکنمه یین قلملرک اوغلی رهبرلرینك عصای دلالتی می تقلید ایتك ایستیور ؟ یوقسه او قامیش پارچه سنی ، بیکلرجه وجوه ناموسی رنك خجالتیه بویامق ایچین بادانه فیرچاسنه می بکنزه تمك امانی بسلیور ؟

ارباب احتراصك بزاق اشتها سیله بر اراق مطبوعات خارستاننده فیشقران (زنبق) ردیلاسنگ قازاندیغی رغبت سفیلانه بی کوروبده اونك محرری کبی صیقیلوب ترله مه دن پاره قازانق هومسنه می دوشیلور ؟ عجا بو اوغورده ویریه جك برقاج غروش ایله قارشیده کی صنعتکارلره ! اعطا اولوناجق اجرت دالت آراسنده نه فرق وار ؟

لغت او قلم زهر آمیزه که ییلان دیشی کبی ، سموم خیانتك مجرای ملغنی اولیور !
افسوس او عالم مطبوعات که بویه رذالتنامه لره آغوش قبول آچیور !

یازیق او اداره مطبوعات که تشویش اذهانه دکل ، تغشیش وجدانه بادی اولان بویه هذیانلرك صدررندن غافل بولونویور !
چینیر او ناموس و اخلاقه که دشمن انسانیت اولان جاناوارلرك صولتنه معروض قالیور !

فقط امین اولسونلر قوصدقلمی هرزه لرك انتشار عفوئنه حکومت آرتیق میدان ویرمه جهك و یاکلشقله اوزرینه باصاجق آیاقلرك آلودۀ لوثیاتی اولماسنه مساعده ایتیه جکدر .

اگر اولنلرک ذره قدر حس موجود ایسه حکومتك چاروب تطهیرندن اول لوث منتشرلرینی کندیلری تمیزله میه و کلخانلرك رماد آتیشنی آلتنده کیزله میه چالیشسونلر .

بو خصوصده مردارلغنی کوز او کندن قالدیران برکدی ، یعنی بر حیوان قدر اثر تربیه کوسترسونلر .



طاهر المولوی